

知其榮守其辱爲天下谷爲天下谷常德適足復歸於樸

榮謂尊貴辱爲卑賤樸謂木質未斲爲器此章之意欲自常德而反本復始以歸於太初之道常德者冲虛不盈之德故甯黑毋白甯雌毋雄甯辱毋榮知其守其者雖知彼之可尙然甯守此而自處於下乘車之式流水之谿谷皆謂自處於下也如是則於常德不差忒不相離而德足乎已矣旣全此冲虛之德迺可復歸於太初之道莊子所謂德至同於初也曰無極曰嬰兒曰樸皆以喻太初之道

樸散則爲器聖人用之則爲官長故大制不割大樸之未散也抱其天質之全及破碎其全則散之而爲所

道藏輯要

道德真經註

三

心集十  
六二八

斲之器聖人之未用也蘊其內德之體及發露其體則用之而爲各官之長官天下之長者天子也官一國之長者諸候也上三節皆欲自未而本此二句則言自本而未者然樸雖已散而猶欲復歸其全則已散如未散聖人雖已用而猶欲復歸其體則已用如未用蓋以不散爲散不用爲用也凡有所裁制者必須以刀割裂其全而大制則以不制爲制故不割裂也大散不散大用不用故如大制者不割也

右第二十四章

將欲取天下而爲之吾見其不得已

取天下謂使天下悅而歸己也爲謂作爲取天下者德盛而

人自歸之爾苟若有所作爲則是欲用智力以強服天下豈能得天下之歸已哉

天下神器不可爲也爲者敗之執者失之

天下者至大之器有神司之不可以智力有爲而得敗謂不成也彼以智力得之者欲成其事而其事反不成謂不能得天下之歸服也故曰爲者敗之未得天下而取天下者固不可以有爲而得既得天下而守天下者亦不可以有心而留譬如寶器若常執之在手不須與舍惟恐其或失者反不能保其不隕墜而失也故曰執者失之

凡物或行或隨或响或吹或強或羸或載或隕是以聖人去甚

道藏輯要

道德真經註

三三

心集十

去奢去泰

此承上文執者失之一句而言守天下之道有天下者豈能保天下之長爲我有而不亡也哉蓋得失存亡之相禪如行隨响吹強羸載隕八者之相反而相因聖人知其勢之必至於此也而處之有其道焉凡過盛必衰衰則亡之漸也惟不使之過盛則可以不衰而又何有於亡甚也奢也泰也極盛之時也去甚者欲其常如微之時去奢者欲其常如儉之時去泰者欲其常如約之時能不過盛則可以保天下之不亡矣邵子謂飲酒但令其微醉而不可成酩酊看花但及其半開而不可至離披蓋此意也蘓氏曰或行於前或隨於後或

响而暖或吹而寒或强而益或羸而損或載而成或隳而毀  
皆物之自然勢之不免者也愚人私己而務得迺欲拒而違  
之其禍不覆則折惟聖人知其不可逆則順以待之去其甚  
去其奢去其泰使不至於過而天下無患矣董思靖曰聖人  
知事勢之相因亦理之常故任之自然而不使之盈且過也

右第二十五章

以道佐人主者不以兵强天下其事好還

王氏曰以道佐人主尙不可以兵强天下况人主躬於道者  
乎蘇氏曰聖人用兵皆出不得已非不得已而欲以强勝天  
下雖或能勝其禍必還報之楚靈齊湣秦皇漢武或以殺其  
身或禍其子孫人之所毒鬼之所疾未有得免者也

道藏輯要

道德真經註

三

心集十

師之所處荆棘生焉大軍之後必有凶年

政和注曰下奪民力故荆棘生上違天時故有凶年蘇氏曰  
兵之所在民事廢田不修用兵之後殺氣勝年穀傷凡兵皆  
然况以兵强天下耶

善者果而已不敢以取强果而勿矜果而勿伐果而勿驕果而  
不得已是謂果而勿强

兵之善者果决於一時以定亂而已不敢阻兵弗戢以取勝  
而爲强也蘇氏曰勿矜勿伐勿驕不得已四者所以爲勿强  
也